



UNIVERSITÄTS-
BIBLIOTHEK
PADERBORN

Universitätsbibliothek Paderborn

**DE TRIBVS BONORVM || operum generibus,||
ELEEMOSYNA,|| IEIVNIO ET ORATIONE;|| de que eorundem
operum vi, vsu, & || ratione, LIBRI TRES,|| AVCTORE ||
THEODORO PELTANO SO-||cietatis IESV Theologo.|| AD ...**

Peltanus, Theodor Anton

Ingolstadii, 1580

Ad Lectorem Præfatio.

[urn:nbn:de:hbz:466:1-46891](https://nbn-resolving.org/urn:nbn:de:hbz:466:1-46891)



AD LECTOREM PRÆFATIO.

UR aliquid per otium interdum scribam, id alibi amice Lector, disertè exposui. Hoc porro tritum & vulgare Argumentum quamobrem nunc demum scribendo sim persecutus, ex Epistola toti libro præfixa cognoscas licet. Paucis instituti mei rationem atque modum disce. Equidem non omnia, quæ de Eleemosyna, Ieiunio, & Oratione disputari potuissent, mihi hoc Opere explicanda censeui: Quippè quæ adeò multa sint, uti quamuis molli brachio tractentur, nimis tamen longum futurum sit. Quæ potiora, eorumq; officiorum maxime propria videbantur, ea, ut breuiter ac perspicue literis mandarem, elaborasse me non inficior. Fortè quò tendebam non perueni, adeoq; expectationem tuam non prorsus expleui: Interim consumpti laboris nequaquam pœnitet.

★★

Nam

AD LECTOREM

Nam etsi hi libri præstantibus exercitatisque Theologis haud multum fortassis, mediocribus tamen & iis, qui in sacrarum literarum disciplina nullos adhuc, aut certè perquam tenues progressus habent, aliquid, ut planè confidimus, emolumenti sunt allaturi. Quando non omnibus in Philosophia, & reconditis illis Scholasticorum Theologorum questionibus etatem licet conterere: his præsertim, qui post breue tempus in liberalibus studiis collocatum, sacerdotium ineunt. De quo hominum genere bene qui meretur, is profectò Ecclesie, religionique Catholice utilissimam nauat operam. Siquidem illi, cum Parochiis administrandis præpositi, non sint eo ingenio præditi, nec ea doctrina imbuti, ut aliquid sua persona suoque officio dignum possint ad populum effari, quod quidem ex ipsorum pœnu depromptum sit, nec acutè conclusas rationes intelligentia faciliè consequi valeant, (Ex quo etiam fit, ut quippiam à scholæ Theologis mutuati, imprudentes interdum errent, dubia nimirum pro certis, & falsa pro veris in medium adferentes) quiuis iustus rerum estimator videt, fructuosam valde Ecclesie operam illos

m. X

**

los

los sumere, qui ad tardiorum illorum pastorum captum sese dimittentes, ita doctiorum ingenii obsequuntur, ut indoctorum longè maiorem rationem ducant. Neque verò hac eam in partem accipi velim, quæ dico, quasi acutos insignitèrque eruditos Scriptores despiciam, aut quosdam hebetis ingenij ineptosq; commendem; absit, sed ut intelligatur, illos quoq; Ecclesia studere, qui in medio consistere malunt, quàm ita scribere, (quod quidam nonnunquam faciunt) ut semetipsos, præ nimia subtilitate quandoque non satis capiant, novisque argumentis pertractandis vulgi rumusculos aucupari videri queant potius, quàm operam dare, ut rebus notissimis paulò commodius explanatiussq; edisserendis ad communem utilitatem aliquid adiungant. Mediocritatem rectè auream, hoc est, rebus omnibus anteponendam & ubiq; consecrandam, vocavit Flaccus, quam nemo sapiens unquam sibi negligendam putabit.

Tandem cum alij quinque, alij duo talenta acceperint, eaque rectè collocent, liceat mihi in iis numerari, qui unicum illud suum, quod acceperunt, in terram minimè defodiunt. Illa

AD LECTOREM PRÆFAT.

*sunt, quæ præfari volebam, mi Lector, ne scri-
bendi tractandique rationem, quam cum hîc,
tum alibi quoque usurpamus & usurpauimus,
inconsideratius reprehenderes, quod reliquum
est feliciter vale, & nostrum in Ec-
clesiam studium candidè
interpretare.*



CAPITULUM